

Buletin Selangor

PEJABAT SETIAUSAHA KERAJAAN NEGERI SELANGOR



BIL. 2/2013 - EDISI APR - JUN



Program MAKSAK Malaysia Turun Padang 2013 Bersama Ketua Setiausaha Negara Tan Sri Dr. Ali bin Hamsa ms 16



Majlis Anugerah Perkhidmatan Cemerlang 2012

ms 04



Hari Bertemu Pelanggan & Jejak Inovasi Siri 1 2013

ms 14



SUK Scavengers Hunt 2013

ms 17



Mutiara Kata

“Syabas dan tahniah diucapkan kepada semua warga kerja Pejabat SUK Selangor di atas kejayaan mendapatkan Persijilan Amalan Persekitaran Berkualiti 5S. Kesungguhan dan semangat ini hendaklah diteruskan sepanjang masa agar kualiti kerja terus meningkat seterusnya mewujudkan persekitaran kerja yang kondusif dan selesa. Oleh itu, perkhidmatan yang terbaik kepada orang awam merupakan komitmen yang perlu diterapkan dalam diri setiap warga kerja di pejabat ini seperti slogan yang kita laungkan iaitu Terbaik Daripada Kami.”

Mohammed Khusrin bin Haji Munawi

YB Dato' Haji Mohammed Khusrin bin Haji Munawi
Setiausaha Kerajaan Negeri Selangor

Tisi Kandungan

BIL. 2/2013 EDISI APR-JUN

Pembubaran Dewan Negeri Selangor - 4 APRIL 2013	3
Anugerah Khidmat Cemerlang Tahun 2012 - 25 JUN 2013	4
Kejohanan Golf Worlwide Holdings Selangor Masters 2013 - 23 JUN 2013	5
Pelantikan MB Selangor - 14 MEI 2013	6
Majlis Anugerah Sukan Negeri Selangor Tahun 2012 - 5 JUN 2013	7
Majlis Makan Malam Kelab SUK Selangor Tahun 2013 - 5 APRIL 2013	8
Majlis Perhimpunan 5S Pejabat SUK Selangor - 20 JUN 2013	9
Majlis Perhimpunan Bulanan Anjuran PDT Klang - 17 JUN 2013	10
Majlis Sambutan Hari Ibu Puspanita Selangor Tahun 2013 - 31 MEI 2013	11
Majlis Sambutan Hari Wesak Peringkat Negeri Selangor Tahun 2013 - 16 JUN 2013	12
Majlis Angkat Sumpah Ahli Majlis Mesyuarat Kerajaan Negeri Selangor 2013 - 30 MEI 2013	13
Angkat Sumpah ADUN Selangor - 21 JUN 2013	14
Program Hari Bertemu Pelanggan dan Jejak Inovasi Siri I 2013 - 12 APRIL 2013	15
Program MAKSAK Malaysia Turun Padang - 2 MEI 2013	16
SUK Scavengers Hunt 2013 - 1 JUN 2013	17
Upacara Pembukaan Penggal Pertama Dewan Negeri Selangor Kali Ke-13 - 28 JUN 2013	18



SIDANG REDAKSI

PENAUNG

YB Dato' Haji Mohammed Khusrin
bin Haji Munawi
Setiausaha Kerajaan Negeri
Selangor

KETUA EDITOR

Muhammad Hanafi bin Ahmad

EDITOR

Sahrul Hardi bin Zainuri

SIDANG EDITORIAL

Nooraini binti Jailani
Norfariza binti Daud
Fara Hanim binti M. Sharif
Sahidah binti Mohamad Sofi

FOTOGRAFI

Ahmad Fadhli bin Yahya

REKA & CETAK

D'MACRIZ COMMUNICATION
016 346 5846 / 019 377 5044

Sebarang Maklumat dan cadangan boleh
dikemukakan kepada pihak kami melalui
emel buletin@selangor.gov.my



Istiadat Pembubaran Dewan Negeri Selangor

Istiadat pembubaran Dewan Negeri Selangor telah diadakan pada tanggal 4 April 2013 (Khamis) di Balai Rong Seri, Istana Alam Shah Klang, dengan upacara menghadap DYMM Sultan Selangor oleh semua pimpinan utama Kerajaan Negeri Selangor yang diketuai oleh Dato' Menteri Besar Selangor, YAB Tan Sri Dato' Seri Abdul Khalid Bin Ibrahim.

DYMM Sultan Selangor pada istiadat tersebut telah berkenan untuk menandatangani watikah pembubaran Dewan Negeri Selangor dengan disaksikan oleh Dato' Menteri Besar Selangor; YAB Tan Sri Dato' Seri Abdul Khalid bin Ibrahim dan YB Setiausaha Kerajaan Negeri Selangor; YB Dato' Mohammed Khusrin bin Haji Munawi serta semua pembesar negeri. Watikah itu juga turut ditandatangani YAB Tan Sri Dato' Seri Abdul Khalid bin Ibrahim selaku Ketua Kerajaan Negeri Selangor.

Ini menandakan Pilihanraya Umum Ke-13 akan diadakan dalam masa 60 hari selepas Pembubaran Dewan Negeri Selangor. Negeri Selangor Darul Ehsan mempunyai 56 DUN dan 22 parlimen.



MAJLIS ANUGERAH PERKHIDMATAN CEMERLANG PENTADBIRAN SETIAUSAHA RAJAAN NEGERI S TAHUN 2012



Majlis Anugerah Perkhidmatan Cemerlang Tahun 2012

Majlis Anugerah Perkhidmatan Cemerlang (APC) Tahun 2012 telah diadakan pada 25 Jun 2013, di Bankuet, Dewan Jubli Perak Sultan Abdul Aziz, Shah Alam. Majlis yang bermula jam 8 malam itu dihadiri oleh YAB Dato' Menteri Besar Selangor, Tan Sri Dato' Seri Abdul Khalid bin Ibrahim; YB Setiausaha Kerajaan Negeri Selangor, YB Dato' Haji Mohammed Khusrin bin Haji Munawi; difidif kehormat serta pegawai dan kakitangan penerima Anugerah Perkhidmatan Cemerlang (APC) Tahun 2012 Pejabat SUK Selangor.

Anugerah ini merupakan penghargaan kepada pegawai perkhidmatan awam yang telah memberi perkhidmatan cemerlang di samping pengiktirafan terhadap perkhidmatan yang bermutu tinggi berdasarkan prestasi tahunan pegawai. Pemberian APC diberi kepada sejumlah 8 peratus daripada pegawai yang sedang berkhidmat pada 31 Disember tahun penilaian bagi setiap agensi.

YAB Dato' Menteri Besar Selangor telah menyampaikan APC Tahun 2012 kepada 53 penerima anugerah bagi Pejabat SUK Selangor. APC turut diberikan kepada pegawai dan kakitangan daripada Perbendaharaan Negeri Selangor seramai 18 orang penerima, Pejabat Tanah dan Galian Negeri Selangor seramai 28 orang penerima, Lembaga Perumahan dan Hartanah Selangor seramai 9 orang penerima dan Perbadanan Adat Melayu dan Warisan Negeri Selangor (PADAT) seramai 11 orang penerima.

Anugerah Jasamu Dikenang 2013 juga turut diberikan pada malam itu. AJD 2013 terbahagi kepada 3 kategori;

- i. Pegawai/kakitangan yang berkhidmat melebihi tempoh 25 tahun dalam sektor awam;
- ii. Pegawai/kakitangan yang bersara tahun 2012/2013;
- iii. Pegawai/kakitangan yang bertukar keluar dari Negeri Selangor.

Acara seterusnya iaitu penyerahan Sijil Penghargaan Majlis Bersama Jabatan (MBJ) Tahun 2012. Majlis Bersama Jabatan (MBJ) ialah sebuah medium dua hala, di mana Pihak Pekerja diberi saluran untuk berkomunikasi dengan Pihak Pengurusan dalam menyuarakan pendapat, pandangan serta menyumbang idea-idea yang bernas demi kepentingan dan kebaikan organisasi. Sebanyak 32 agensi menerima sijil penghargaan.

Acara terakhir ialah penyerahan Anugerah Perkhidmatan Awam (AKRAB) kepada 4 organisasi peringkat pentadbiran Kerajaan Negeri Selangor. AKRAB merupakan nama khusus bagi pegawai yang dilantik sebagai ahli setelah berjaya mengikuti Program Peningkatan Kemahiran Asas Kaunseling (PPKK). Nama AKRAB merupakan akronim bagi nilai-nilai murni utama yang perlu ada pada seseorang rakan pembimbing iaitu Amanah, Komitmen, Rasional, Akhlak dan Bistari. Seramai 42 orang menerima sijil pentauliah Rakan Pembimbing Pentadbiran Kerajaan Negeri Selangor Tahun 2012.

KEJOHANAN GOLF WORLDWIDE HOLDINGS SELANGOR MASTERS 2013

Pada 23 Jun 2013, telah berlangsung Majlis Kejohanan Golf Worldwide Holdings Selangor Masters 2013, bertempat di Kelab Golf Seri Selangor. Majlis tersebut telah dirasmikan oleh DYMM Sultan Selangor, Sultan Sharafuddin Idris Shah Alhaj Ibni Almarhum Sultan Salahuddin Abdul Aziz Shah Alhaj.

Turut hadir pada majlis tersebut ialah YAB Dato' Menteri Besar Selangor, YAB Tan Sri Dato' Seri Abdul Khalid bin Ibrahim, YB Setiausaha Kerajaan Negeri Selangor, YB Dato' Haji Mohammed Khusrin bin Haji Munawi, Pengurusan Tertinggi Kerajaan Negeri Selangor, dif-dif kehormat serta wakil media.

Majlis dimulakan dengan sesi bergambar dan seterusnya bergerak ke Marquee Tent untuk Sesi Penyampaian Hadiah kepada pemenang. DYMM Sultan Selangor turut berkenan menyampaikan Mock Cheque sumbangan penaja kepada Yayasan Raja Muda Selangor, seterusnya menyampaikan hadiah kepada pemain Terbaik Malaysia, trophy serta Mock Cheque kepada para pemenang. Majlis diakhiri dengan jamuan high tea bersama para hadirin.





Pelantikan YAB Tan Sri Dato Seri Abdul Khalid bin Ibrahim sebagai Dato' Menteri Besar Selangor

Pada 14 Mei 2013 (Selasa), DYMM Sultan Selangor, Sultan Sharafuddin Idris Shah telah memberi perkenan melantik YAB Tan Sri Dato' Seri Abdul Khalid bin Ibrahim sebagai Dato' Menteri Besar Selangor selepas Pilihanraya Umum ke 13 bagi penggal kedua.

Upacara pelantikan dibuat dengan penuh adat istiadat di Istana Alam Shah, Klang tepat jam 10 pagi di mana upacara dimulakan dengan istiadat pengurniaan surat pelantikan Menteri Besar dan Angkat Sumpah Jawatan. Pelantikan dibuat mengikut Fasal 1 Perkara 51 Undang-Undang Tubuh Negeri Selangor 1959.

YAB Tan Sri Dato' Seri Abdul Khalid bin Ibrahim segak berbaju Melayu hitam lengkap bertengkolok, telah menyempurnakan upacara angkat sumpah dan telah melafazkan 10 perkara ikrar akujanji sambil memegang Sang Buana, tombak bersalut kain kuning lambang kebesaran Negeri Selangor, disaksikan kira-kira 50 pegawai istana dan pegawai kerajaan negeri.

YAB Tan Sri Dato' Seri Abdul Khalid bin Ibrahim telah menandatangani Aku Janji Jawatan Menteri Besar dihadapan DYMM Sultan Selangor dan YA Dato' Mohamad Zabidin Bin Mohd Diah; Hakim Utama Mahkamah Tinggi Shah Alam menjadi saksi utama pelantikan jawatan tersebut.



Pada 6 Jun 2013 bertempat di Hotel Concorde, Shah Alam telah berlangsung Majlis Anugerah Sukan Negeri Selangor 2012. Majlis tersebut telah dihadiri oleh Tengku Panglima Diraja Selangor, YAM Tengku Sulaiman Shah Ibni Almarhum Sultan Salahuddin Abdul Aziz Shah Alhaj yang mewakili DYMM Sultan Selangor. Turut hadir ialah YAB Dato Menteri Besar Selangor, YAB Tan Sri Dato' Seri Abdul Khalid Bin Ibrahim, YB EXCO Belia dan Sukan, YB Dr Ahmad Yunus bin Hairi dan YB Setiausaha Kerajaan Negeri Selangor YB Dato' Haji Mohammed Khusrin Bin Haji Munawi serta dif-dif jemputan.

Majlis pada malam itu telah diserikan dengan persembahan kebudayaan antaranya ialah persembahan tarian oleh penari kebudayaan dari Perbadanan Adat Melayu Dan Warisan Negeri Selangor (PADAT) dan nyanyian oleh Iwan dari kumpulan *Fourteen* serta Amylea; bekas peserta Akademi Fantasia.

Tokoh Sukan Negeri Selangor Tahun 2012 telah dianugerahkan kepada bekas pemain badminton kebangsaan dan juga bekas jurulatih kebangsaan, Datuk Misbun bin Haji Sidek yang telah memberikan sumbangan besar dalam memajukan sukan khususnya badminton di Negeri Selangor dan juga di peringkat kebangsaan.





Majlis Makan Malam Kelab SUK Selangor Tahun 2013



Pada 5 April 2013 bertempat di Grand Ballroom De Palma Hotel Shah Alam, telah berlangsungnya Majlis Makan Malam Kelab SUK Selangor Tahun 2013. Majlis anjuran Kelab Setiausaha Kerajaan Negeri Selangor (SUK) tersebut telah dihadiri oleh YB Setiausaha Kerajaan Negeri Selangor, YB Dato' Haji Mohammed Kusrin Bin Haji Munawi, Timbalan Setiausaha Kerajaan (Pembangunan), YBhg. Dato' Haji Mohamad Roslan Bin Sakiman, Timbalan Setiausaha Kerajaan (Pengurusan), YBhg. Dato' Tarmedi Bin Hj Omar dan disertai oleh ahli-ahli Kelab SUK Selangor.

Majlis yang bertujuan untuk merapatkan ukhuwah sesama ahli kelab ini dimulakan dengan kata alu-aluan oleh YB Setiausaha Kerajaan Negeri Selangor selaku Penasihat Kelab SUK Selangor, diikuti dengan ucapan dari YBhg. Dato' Pengerusi Kelab, YBhg. Dato' Tarmedi Bin Hj Omar. Seterusnya, majlis diteruskan dengan santapan makan malam yang telah disediakan oleh pihak penganjur sambil dihiburkan oleh nyanyian karaoke oleh sebahagian daripada ahli kelab.

Selain itu majlis turut diserikan dengan acara cabutan bertuah dan pertandingan pakaian tercantik bagi wanita dan lelaki; dimenangi oleh Cik Nurmala binti Mansur (Seksyen Makro dan Peswastan) dan Encik Nor Jihan (Unit Pengurusan Bangunan, BKP) bagi kategori masing-masing.



Majlis Perhimpunan 5S Pejabat SUK Selangor

Pada 20 Jun 2013, bertempat di Foyer Bangunan SUK, telah diadakan satu Majlis Perhimpunan 5S Pejabat SUK Selangor. Perhimpunan ini telah dihadiri oleh YB Setiausaha Kerajaan Negeri Selangor, YB Dato' Mohammed Khusrin bin Haji Munawi, YBhg. Timbalan Setiausaha Kerajaan (Pengurusan), Dato' Tarmedi bin Hj Omar, Ketua-Ketua Jabatan serta pegawai dan kakitangan di Pejabat SUK Selangor.

Majlis perhimpunan khas untuk warga kerja Pejabat SUK Selangor ini bertujuan untuk mendengar amanat dan nasihat yang disampaikan oleh YB Setiausaha Kerajaan Negeri Selangor dalam urusan kerja seharian. Dalam ucapannya, beliau menyeru semua pegawai dan kakitangan agar dapat memberikan

perkhidmatan yang terbaik kepada orang awam; seperti slogan yang digunakan Pentabiran Kerajaan Negeri Selangor iaitu "Terbaik Daripada Kami". YB Dato' Mohammed Khusrin bin Haji Munawi turut menyampaikan hadiah dan pengiktirafan kepada Bahagian dan Seksyen yang telah melaksanakan Amalan Persekitaran Berkualiti 5S dengan cemerlang dalam majlis perhimpunan ini.

Perhimpunan yang dihadiri kira-kira 500 warga kerja di bangunan ini diakhiri dengan lawatan ke booth pameran yang menerangkan *core-business* Bahagian dan Seksyen masing-masing iaitu Bahagian Korporat, Bahagian Khidmat Pengurusan, Bahagian Pengurusan Sumber Manusia, Bahagian Teknologi Maklumat, Seksyen Sektor dan Seksyen Pihak Berkuasa Tempatan.



Majlis Perhimpunan Bulanan Jabatan-Jabatan Kerajaan Negeri Selangor



Pada 17 Jun 2013 yang lalu bertempat di Dewan Jubli Perak Sultan Abdul Aziz Shah Alam, Pejabat Daerah dan Tanah Klang telah menjadi hos bagi Majlis Perhimpunan Bulanan Pentadbiran Kerajaan Negeri Selangor pada kali ini.

Dalam ucapan yang disampaikan oleh Dato' Pegawai Daerah PDT Klang, Dato' Bakhtiar bin Hussin menyatakan Pejabat Daerah dan Tanah Klang telah menunjukkan kemajuan dalam pengurusan tanah terutama dalam kutipan hasil. Ini menunjukkan hasil usaha seluruh warga kerja Pejabat Daerah Klang dalam melaksanakan tugas dan tanggungjawab dengan berkesan.

Dalam pada itu, YAB Dato' Menteri Besar Selangor, YAB Tan Sri Dato' Seri Abdul Khalid bin Ibrahim juga turut berbangga dengan kejayaan yang ditunjukkan oleh Pejabat Daerah dan Tanah Klang di atas usaha yang ditunjukkan dan beliau menasihatkan agar penjawat awam terus bekerja dengan amanah dan penuh tanggungjawab dalam memberikan perkhidmatan yang terbaik untuk rakyat Selangor.

Perhimpunan yang dihadiri kira-kira 1000 kakitangan ini diakhiri dengan Pelancaran Buku Laporan Tahunan Pejabat Daerah dan Tanah Klang Tahun 2012.



Majlis Sambutan Hari Ibu Puspanita Selangor Tahun 2013

Pada 31 Mei 2013 yang lalu, telah berlangsungnya Majlis Sambutan Hari Ibu anjuran Puspanita Negeri Selangor. Majlis telah diadakan di Dewan Bankuet, Dewan Jubli Perak Sultan Abdul Aziz, Shah Alam, bermula pada jam 8.00 pagi hingga 12.00 tengahari. Majlis telah dirasmikan oleh YBhg. Datin Zuraida Binti Kamaludin, selaku Pengerusi Puspanita Negeri Selangor.

Turut hadir pada majlis tersebut ialah para jemputan khas dan ahli-ahli Puspanita Negeri Selangor. Antara acara yang menarik sepanjang majlis berlangsung adalah segmen khas bersama Prof. Dr. Muhaya dan juga persembahan oleh penyanyi malar segar, Nassier Wahab.





Sambutan Hari Wesak Peringkat Negeri Selangor Tahun 2013



Majlis Sambutan Hari Wesak Peringkat Negeri Selangor Tahun 2013 telah diadakan pada 16 Jun 2013, bertempat di Auditorium MBSA, Shah Alam. Majlis yang bermula dari jam 7.00 malam hingga 10.00 malam itu telah dirasmikan oleh YAB Dato' Menteri Besar Selangor, YAB Tan Sri Dato' Seri Abdul Khalid bin Ibrahim.

Turut hadir di majlis tersebut ialah Ahli Majlis Mesyuarat Kerajaan Negeri Selangor, YB Tuan Ean Yong Hian Wah, Pengerusi Jawatankuasa Pengelola Sambutan Hari Wesak Peringkat Negeri Selangor, Encik Loka Ng Sai Kai, dif-dif kehormat, para jemputan, orang ramai dan wakil media.

Majlis dimulakan dengan ucapan alu-aluan oleh Encik Loka Ng Sai Kai, diikuti dengan ucapan oleh YB Tuan Ean Yong Hian Wah dan ucapan perasmian oleh YAB Dato' Menteri Besar Selangor, YAB Tan Sri Dato' Seri Abdul Khalid bin Ibrahim.

Majlis turut diserikan dengan persembahan kebudayaan yang menarik bagi menambahkan lagi kemeriahan Majlis Sambutan Hari Wesak Peringkat Negeri Selangor Tahun 2013 pada malam tersebut.



Majlis Angkat Sumpah Barisan EXCO Kerajaan Negeri Selangor

Pada 30 Mei 2013 bertempat di Balairung Seri, Istana Alam Shah Klang telah berlangsung Majlis Angkat Sumpah sebagai Ahli Majlis Mesyuarat Kerajaan Negeri (MMKN) bagi penggal 2013-2018. Istiadat Angkat Sumpah Jawatan dan Ikrar Akujanji serta Pengurniaan Surat Cara Pelantikan kepada 10 EXCO Kerajaan Negeri Selangor diadakan dihadapan DYMM Sultan Selangor, Sultan Sharafuddin Idris Shah Alhaj Ibni Almarhum Sultan Salahuddin Abdul Aziz Shah Alhaj pada jam 9.30 pagi.

Upacara angkat sumpah dimulakan oleh ADUN Chempaka YB Tuan Iskandar Samad diikuti YB Dr Halimah Ali (ADUN Selat Klang) dan YB Dr Ahmad Yunus Hairi (ADUN Sijanggang), YB Tuan Sallehen Mukhyi (ADUN Sabak), YB Dato' Teng Chang Khim (ADUN Sungai Pinang), YB Tuan Ean Yong Hian Wah (ADUN Seri Kembangan). Seterusnya ADUN Kota Alam Shah YB Tuan V Ganabatirau, YB Puan Rodziah Ismail (ADUN Batu Tiga), YB Puan Elizabeth Wong Keat Ping (ADUN Bukit Lanjan), diakhiri dengan YB Dr Daroyah Alwi (ADUN Sementa).

Semua EXCO terbabit melafazkan sumpah jawatan dan ikrar aku janji dihadapan DYMM Sultan Selangor.

Senarai penuh Exco dan Portfolio:

- | | |
|-------------------------|---|
| Menteri Besar | : Tan Sri Abdul Khalid Ibrahim |
| Portfolio | : Kewangan, Pembangunan Tanah, Pengurusan Sumber Alam, Majlis Tindakan Ekonomi Negeri (MTEN), Penerangan, serta Jawatankuasa Adat Melayu. |
| Speaker | : Hannah Yeoh (DAP- Subang Jaya) |
| Timbalan Speaker | : Nik Nazmi Nik Ahmad (PKR – Seri Setia) |
- 1) **Iskandar Samad (PAS – Chempaka)**
Portfolio : Perumahan, Pengurusan Bangunan dan Peneroka Bandar
 - 2) **Dr Halimah Ali (PAS – Selat Klang)**
Portfolio : Pendidikan dan Pendidikan Tinggi, Pembangunan Modal Insan
 - 3) **Dr Ahmad Yunus Hairi (PAS – Sijanggang)**
Portfolio : Belia dan Sukan, Infrastruktur dan Kemudahan Awam
 - 4) **Sallehen Mukhyi (PAS – Sabak)**
Portfolio : Hal Ehwal Islam, Pemodenan Pertanian, Pembangunan Desa
 - 5) **Datuk Teng Chang Khim (DAP – Sungai Pinang)**
Portfolio : Kerajaan Tempatan, Kajian dan Penyelidikan
 - 6) **Ean Yong Hian Wah (DAP – Seri Kembangan)**
Portfolio : Pelaburan, Perindustrian dan Perdagangan, Pembangunan Kampung Baharu dan Pemutihan Kilang Haram
 - 7) **V Ganabatirau (DAP – Kota Alam Shah)**
Portfolio : Pekerja Ladang, Kemiskinan dan Kerajaan Prihatin
 - 8) **Rodziah Ismail (PKR – Batu Tiga)**
Portfolio : Kebajikan, Hal Ehwal Wanita
 - 9) **Elizabeth Wong Keat Ping (PKR – Bukit Lanjan)**
Portfolio : Pelancongan, Hal Ehwal Pengguna dan Alam Sekitar
 - 10) **Dr Daroyah Alwi (PKR – Sementa)**
Portfolio : Kesihatan, Pembangunan Usahawan, Sains, Teknologi dan Inovasi



56 ADUN Selangor Angkat Sumpah

Seramai 56 Ahli Dewan Undangan Negeri (ADUN) Selangor telah mengangkat sumpah pada 21 Jun 2013 (Jumaat) menandakan bermula pemerintahan baru bagi Kerajaan Negeri Selangor. Upacara angkat sumpah ini dibuat sebelum bermulanya penggal baru persidangan Dewan Undangan Negeri (DUN) yang akan diadakan pada 1 Julai 2013 (Isnin).

Majlis angkat sumpah menyaksikan pelantikan Adun Subang Jaya, YB Puan Hannah Yeoh Tseow Suan sebagai Speaker DUN Selangor diikuti Adun Seri Setia, YB Tuan Nik Nazmi bin Nik Ahmad sebagai Timbalan Speaker. YB Puan Hannah menjadi wanita Malaysia pertama dilantik sebagai Speaker DUN di mana Kerajaan Negeri Selangor memberi pengiktirafan kepada golongan wanita dalam mengetuai kepimpinan DUN negeri ini. Sidang DUN Selangor bagi penggal ke-13 kali ini agak unik apabila kedua-dua jawatan tertinggi iaitu Speaker DUN Selangor dan Timbalan Speaker itu didominasi oleh golongan muda.

Kesemua ADUN Selangor mengangkat sumpah di hadapan Speaker dan Timbalan Speaker DUN Selangor dimulai oleh YAB Dato' Menteri Besar, YAB Tan Sri Dato' Seri Abdul Khalid bin Ibrahim diikuti dengan 10 anggota EXCO Negeri dan ADUN-ADUN yang lain.

Kesemua 56 Adun itu mengangkat sumpah taat setia dalam memelihara, melindungi serta mempertahankan Undang-Undang Tubuh Negeri Selangor di hadapan Speaker Dewan Undangan Negeri.





Program Hari Bertemu Pelanggan Bersepadu (HBP) Dan Jejak Inovasi Siri I Peringkat Pentadbiran Kerajaan Negeri Selangor Tahun 2013

Bertempat di AEON Bukit Tinggi, Klang pada 12 hingga 14 April yang lalu, telah diadakan Program Hari Bertemu Pelanggan Bersepadu (HBP) Dan Jejak Inovasi Siri I Peringkat Pentadbiran Kerajaan Negeri Selangor Tahun 2013 anjuran Bahagian Korporat, Pejabat Setiausaha Kerajaan Negeri Selangor.

Sebanyak 12 agensi kerajaan negeri dan persekutuan telah menyertai Program Hari Bertemu Pelanggan ini antaranya Bahagian Korporat, Pejabat SUK Selangor, Perbadanan Adat Melayu Dan Warisan Negeri Selangor (PADAT), Yayasan Warisan Anak Selangor (YAWAS), Perbadanan Perpustakaan Awam Selangor (PPAS), Jabatan Perancangan Bandar dan Desa (JPBD) Negeri Selangor, Tourism Selangor dan lain-lain agensi yang terlibat.

Bagi Program Jejak Inovasi pula lima (5) agensi yang terlibat ialah Majlis Bandaraya Shah Alam (MBSA), Majlis Perbandaran Ampang Jaya (MPAJ), Majlis Perbandaran Klang (MPK), Majlis Perbandaran Sepang (MPSepang) dan Majlis Daerah Kuala Langat (MDKL).

Program yang telah dirasmikan oleh YB Setiausaha Kerajaan Negeri Selangor, YB Dato' Haji Mohammed Khusrin bin Haji Munawi ini bertujuan untuk memudahkan orang ramai tampil membuat sebarang aduan kepada agensi-agensinya yang terlibat disamping dapat mengetahui *core-business* semua agensi yang terlibat disamping mengikuti aktiviti-aktiviti yang telah disediakan oleh para pempamer yang terlibat.



Program MAKSAK Malaysia Turun Padang 2013 Bersama Ketua Setiausaha Negara Tan Sri Dr. Ali bin Hamsa



Pada 2 Mei 2013, satu **Program MAKSAK Turun Padang 2013** telah diadakan di **Institut Kraf Negara, Rawang**. Program ini dirasmikan oleh Ketua Setiausaha Negara merangkap Yang Dipertua MAKSAK Malaysia; YBhg. Tan Sri Dr. Ali bin Hamsa; juga disertai oleh Ketua Pengarah Perkhidmatan Awam merangkap Timbalan Yang Dipertua MAKSAK Malaysia; YBhg. Dato' Mohamad Zabidi bin Zainal dan Setiausaha Kerajaan Negeri Selangor merangkap Yang Dipertua MAKSAK Selangor; YB Dato' Haji Mohammed Khusrin bin Haji Munawi. Program tersebut dihoskan oleh Pejabat Daerah dan Tanah Gombak serta Institut Kraf Negara.

Program MAKSAK Turun Padang merupakan program tahunan MAKSAK Malaysia yang bertemakan kebajikan, dan mula dianjurkan sejak tahun 2003. Program MAKSAK Turun Padang juga adalah satu usaha untuk meneruskan tradisi "Merakyatkan Perkhidmatan Awam". Program yang dihadiri oleh seramai 500 orang kakitangan awam yang mewakili jabatan persekutuan dan kerajaan negeri bermula dengan ucapan oleh Yang Dipertua MAKSAK Selangor; YB Dato' Haji Mohammed Khusrin bin Haji Munawi dan seterusnya amanat daripada Ketua Setiausaha Negara; YBhg. Tan Sri Dr. Ali bin Hamsa.



SUK Scavengers Hunt 2013



Pada 1 Jun 2013 Kelab Setiausaha Kerajaan Selangor telah menganjurkan satu program "SUK Scavengers Hunt 2013" di sekitar bandar Kuala Selangor. Pengerusi Kelab SUK, Dato Tarmedi Omar mengatakan program menguji minda dan fizikal itu diadakan untuk mengeratkan hubungan sesama ahli dan peserta luar termasuk kakitangan daripada Kumpulan Media Karang kraf (Karang kraf) dan anak syarikat kerajaan negeri seperti Worldwide Holdings Berhad dan Permodalan Nasional Selangor Berhad (PNSB). Peserta mula berkumpul di perkarangan Dataran Dewan Negeri Selangor seawal jam 6 pagi dan program bermula jam 8 pagi sebelum berlepas ke Kuala Selangor dan kembali semula di Pejabat SUK.



Sebanyak 29 kumpulan yang menyertai program tersebut, 25 kumpulan terdiri daripada Ahli-Ahli Kelab SUK dan selebihnya daripada kakitangan Worldwide, PNSB, Karang kraf dan Konsortium Abbas Sdn. Bhd. Setiap kumpulan dianggotai empat orang dan mereka perlu menjawab beberapa siri soalan dan tugas yang disediakan. Karang kraf dilantik menjadi media rasmi program dan turut menyumbang cenderahati berupa bahan bacaan kepada peserta.



Kumpulan Worldwide Landfills berjaya merangkul tempat pertama dalam pertandingan tersebut, diikuti dengan kumpulan dari Kelab SUK Selangor; manakala kumpulan Fast Medivest di tempat ketiga dan Pasukan Karang kraf di tempat keempat.



Upacara Pembukaan Penggal Pertama Dewan Negeri Selangor Kali Ke-13



DYMM Sultan Selangor, Sultan Sharafuddin Idris Shah Alhaj Ibni Almarhum Sultan Salahuddin Abdul Aziz Shah Alhaj telah berkenan mencemar duli bagi merasmikan Mesyuarat Kedua (Pembukaan) Penggal Pertama Dewan Negeri Selangor Yang Ketiga Belas Tahun 2013 pada 28 Jun 2013 yang lalu. Ini merupakan penggal permulaan untuk 56 Ahli Dewan Negeri Selangor untuk menabur bakti dan budi kepada rakyat Selangor. Tuanku Sultan Selangor bertitah agar semua Ahli Dewan Negeri (ADUN) dapat memberi komitmen yang tinggi bagi memajukan Negeri Selangor Darul Ehsan. Baginda juga bertitah agar Kerajaan Selangor meneruskan agenda menjaga kebajikan rakyat dengan memperluaskan skop program-program di bawah agenda Merakyatkan Ekonomi Selangor (MES).

“Beta berharap usaha ini akan membantu meringankan beban rakyat dan mengurangkan perbezaan pendapatan di kalangan rakyat. Keprihatinan Kerajaan Negeri ini juga hendaklah merangkumi masyarakat orang asli serta Orang Kelainan Upaya (OKU) agar mereka boleh duduk sama rendah dan berdiri sama tinggi dengan semua rakyat lain di Selangor” titah baginda.

Sebagai Ketua Agama Islam Negeri Selangor, baginda turut menekankan agar Kerajaan Selangor memberi tumpuan dalam usaha meningkatkan kualiti hidup umat Islam di negeri ini.



SHITSUKE *Sentiasa Amal*

Melatih pekerja untuk mengamal sistem Amalan 5S secara berterusan supaya menjadi tabiat dan budaya kerja organisasi.

SEIRI *Sisih*

Menyisih barang-barang yang tidak perlu: Mengasingkan dan melupuskan barang-barang yang tidak diperlukan di tempat kerja secara sistematik.

Amalan



SEITON *Susun*

Menyusun barang-barang yang diperlukan secara kemas dan sistematik supaya mudah diambil dan dikembalikan ke tempat asal selepas digunakan.

SEIKETSU *Seragam*

Mewujudkan piawaian amalan terbaik di tempat kerja dan memastikan piawaian tersebut dipatuhi di samping memastikan tempat kerja itu bersih dan teratur sepanjang masa.

SEISO *Sapu*

Membersihkan dan memeriksa tempat kerja secara terperinci supaya tiada debu atau kotoran di atas lantai, peralatan dan persekitaran tempat kerja.



TABUNG WARISAN ANAK SELANGOR

Yayasan Warisan Anak Selangor (YAWAS)
A1-11-2 & A1-11-3 Jalan Multimedia 7/AH,
Park City, I-City, 40000 Shah Alam,
Selangor Darul Ehsan

- Tel: 03-5521 8740 atau 03-5521 8741
- Faks: 03-5521 8742 atau 03-5521 8743

SKIM MESRA USIA EMAS

Rantaian Mesra Sdn Bhd, Tingkat G,
Bangunan Darul Ehsan, No. 3, Jalan Indah,
Seksyen 14, 40000 Shah Alam,
Selangor Darul Ehsan

- Tel: 03-5510 3468 / 3472
- Faks: 03-5510 3455
- Emel: mesrausiaemas@gmail.com

HADIAH ANAK MASUK IPT

Pejabat Setiausaha Kerajaan Selangor Bahagian
Pengurusan Sumber Manusia,
Tingkat 3, Bangunan S.S.A.A.S., 40503 Shah Alam,
Selangor Darul Ehsan

- Tel: 03-5544 7385 atau 03-5521 2275
- Faks: 03-5510 4095 atau 03-5511 0659

PROGRAM MENINGKATKAN HASIL BATUAN DAN GALIAN

Kumpulan Semesta Sdn Bhd. Tingkat 5,
Bangunan Darul Ehsan, No. 3, Jalan Indah,
Seksyen 14, 40000 Shah Alam,
Selangor Darul Ehsan

- Tel: 03-5518 7735 • Faks: 03-5518 7736
- Emel: info@semesta.com.my
- Web: www.semesta.com.my

TABUNG PENDIDIKAN ANAK PEKERJA LADANG

Pejabat Ahli Majlis Mesyuarat Kerajaan Negeri
Selangor,
Tingkat 5, Bangunan S.S.A.A.S., 40503 Shah Alam,
Selangor Darul Ehsan

- Tel: 03-5544 7306 atau 035512 3618
- Faks: 03-5510 6678

PUSAT KHIDMAT KRISIS SEHENTI (OSCC)

Exco Kebajikan, Hal Ehwal Wanita,
Sains Teknologi & Inovasi

- Tel: 03-5519 4346 atau 03-5544 7622
- Faks: 03-5519 3304

BEKALAN AIR PERCUMA 20 METER PADU

Kumpulan Darul Ehsan Berhad, Tingkat 16-17,
Plaza Perangas, Persiaran Perbandaran,
40000 Shah Alam, Selangor Darul Ehsan

- Tel: 03- 5510 3999
- Faks: 03-5510 9977
- Emel: communications@kdeb.com

selangorku

MES

MERAKYATKAN EKONOMI SELANGOR
www.mes.selangor.com

SKIM KESIHATAN WANITA

Rantaian Mesra Sdn Bhd, Tingkat G,
Bangunan Darul Ehsan, No. 3, Jalan Indah,
Seksyen 14, 40000 Shah Alam,
Selangor Darul Ehsan

- Tel: 03-5510 3468 / 3472
- Faks: 03-5510 3455
- Web: <http://www.e-mesra.org.my>

PROGRAM MIKROKREDIT MISKIN BANDAR (MIMBAR)

Mimbar Selangor, A23, Pusat Perniagaan Jubli 20,
Jalan Singa J20/J, Seksyen 20, 40300 Shah Alam,
Selangor Darul Ehsan

- Tel: 03-5541 3616
- Faks: 03-5541 3617
- Web: www.mimbarselangor.org

SKIM MIKROKREDIT SELANGOR

Yayasan Dar al Qard al Hasan Selangor, Tingkat 2,
Bangunan S.S.A.A.S., 40000 Shah Alam,
Selangor Darul Ehsan

- Tel: 03-5544 7104 / 03-5519 1692 / 03-5521 2312
- Faks: 03-5510 55829
- Web: www.skimsel.com

PUSAT DIALISIS RAKYAT

Rantaian Mesra Sdn Bhd, Tingkat G,
Bangunan Darul Ehsan, No. 3, Jalan Indah,
Seksyen 14, 40000 Shah Alam,
Selangor Darul Ehsan

- Tel: 03-5510 3468 / 3472
- Faks: 03-5510 3455
- Web: <http://www.e-mesra.org.my>

PUSAT TUISYEN RAKYAT

Unit Pendidikan, Bahagian Pengurusan Sumber
Manusia, Tingkat 3, Bangunan S.S.A.A.S.,
40000 Shah Alam, Selangor Darul Ehsan

- Tel: 03-5544 7480 / 7481 / 7482 / 7543
- Faks: 03-5510 4095 / 5513 5564 / 5544 7391
- Blog: <http://tuisyenrakyat.blogspot.com>